

Es hat unns auch unnser lieber gefatter der bischoff zu Merßburg vor sich unnd sein nachkomenn zugesagt, das sein liebe hinfurdt keinen vicecancellarien der es resignir ader eim anndern befelh setzen ader orden wollenn, sonnder das derselbige sollichs durch sich selbst zu vorhegen vorpflicht sey.

Wir befinden auch das mit den complentis nicht gutter vleiss gehabt, dann so sy 5 eingeschriben, wirdet nicht mer achtung gegeben, ab sye die lection die sye zu besuchen schuldig besucht haben ader nicht. Darumb wollenn wir das die executores facultatis artium alle wochen in allen lection die registra lesen unnd welcher zehenmal in eym halben iar an ehehafft absens, das derselbt aus dem register getilgt. Wo aber iung knaben die zu sollichen lection nicht geschigkt ader famuli die der nicht möchten ge- 10 wartten unnd von iren magistris gegen denn executoribus personlich und namhafftig an- gegeben, mit denselben soll man gedult tragen.

Wir wollen auch den executoribus eingebunden haben ein auffsehen zu haben, das die lectores gute materien die den schulern dinstlich und lieblich zu horen, domit sy zu den lection zu gehn geraitzt unnd durch derselbten lectores unschicklich lesen ire zeit 15 nicht unnutzlich vortzeren müssen. Unnd es soll denselbten lectoribus die neue ader alte translation Aristotelis zu lesen zugelassen sein.

Es soll auch eyn ytzlicher student wes standts er sey, er stehe inn ader ausser- halb den collegien, einen doctor ader magister haben inn des gehorsam er ist, der vor ine zu sprechen hat, damit seinthalb zucht erhalten unnd die billichait an ime zu be- 20 komen sey, bey penn in gantzer universitet ordenung clerlich außgedrugkt.

Als wir in nechster reformation geordennt das ein ytzlich facultet zu der anndern facultet visco ein slissel habe unnd ein facultet der anndern rechnunge thun sollen, be- finden wir das sollichs nicht gehalten, auch nicht nottorfftig. Wollen derwegenn das ein ytzliche facultet iren fiscum selbs ordennliche rechnung wie vor alters thun sollenn. 25

257.

Anmerkungen zu mehreren Artikeln der erneuerten Reformation der Universität seitens der Magister der Artistenfakultät.

[Zwischen 1506 u. 1537.]

Hdschr.: Concept Hauptstaatsarchiv Dresden, Universität, Raths und andere Händel 1367—1537 loc. 10532 fol. 67—68.

30

Auff den artickel von der wall ad lectiones der sich anhebet „Als auch in der wall 2c.“, lossen die magistri sich duncken gut zcu sein, das die erwelungen stunden bey denne rath der facultet, dan sie synt examinatores gewesen unde der magistrorum ge- schicke wissen, auch iuniores magistri vyle synt unde nicht leichtlich sich voreynigen.

Bey deme artickel der sich anhebet „Wir vormercken auch das die gewisse 35 zcall 2c.“, ist von nothen: Szo disputaciones, oppositiones unde andere actus scholastici erhalten sollen werden 2c., das derselbige magister secundum statuta complirt habe, auch